

Aus der vrsachen haben die Maulwürffs fen-  
ger allezeit eine Wasser Kandel bey sich / sonst  
müßten sie manchen sitzen lassen / wo er sesse.

Das fünffte Capitel / Wie man die  
Maulwürffe mit Harwen / Grabeschei-  
ten gewinnen solle.

**D**ie beste Kunst / meynen etliche / solle seyn  
der Maulwürffe Wüteren zu stillen /  
wenn man mit breiten harwen oder mit  
Grabescheiten sie außwerffe. Es ist aber auch  
ein mühsam werck wie das vorige / vnd gehöret  
guter bescheid darzu. Wer solch Ungezieser auß-  
hacken oder stechen wil / der muß treten / daß  
der Wind von ihm nicht auff des Maulwürffs  
lager gehe / sonst wo er seinen Feind widert /  
giebet er stracks die flucht / alsdenn mag einer  
stehen vnd lauren / bis er dessen gnug hat. Har-  
wet oder sticht man zu ihm los / vnd verennet  
ihn nicht mit dem ersten hiebe oder stiche den  
Paß / daß er nicht widerumb zu rücke kan / so  
bekommet man ihn sehr schwerlich. Etliche  
damit der Maulwürff desto ehe kommen vnd  
auff.